



Universitätsbibliothek Paderborn

Metropolis Salisvrgensis

Continens Fvndationes Et Erectiones Monasteriorvm, Et Ecclesiarum
Collegiatarum, &c. per Boiarium, ac loca quædam vicina

Hund, Wiguleus

Monachii, 1620

Bulla Translationis Collegiate Ecclesiae Mospurgen. Landishutam ad S.
Martinum.

urn:nbn:de:hbz:466:1-13578

re præsentium vniuersis, quod veniens ad nostræ præsentiam Venerabilis *Nicodemus* Episcopus *Frisingenfis*, Princeps & consiliarius noster deuotus dilectus, nobis humili cū instantiâ supplicauit, quatenus sibi & suæ Ecclesiæ quandam litteram sigillatam sigillo pèdenti Illustris quondam *Heinrici* Comitis Palatini *Rheni*, & Duci *Bauarie* de Anno Millesimo Ducentesimo Octuagesimo quarto, Ecclesiæ & Fpiscopo *Frisingenfis*, super certis bonis & juribus eiusdem Ecclesiæ datam approbare & confirmare dignaremur. Cuius quidem litteræ tenor per omnia sequitur, & est talis.

Nos *Henricus* Dei gratia Comes Palatinus &c. vt proximè supra. Nos verò attendentes huiusmodi supplicationem præfati Episcopi *Nicodemi* fore consonam rationi, & habentes benignum respectum ac grata fidelitatis obsequia, quibus ipse nos, & sacrum studet honorare Imperium, animo deliberato, sanoque fidelium nostrorum accedente consilio, & de certa nostra scientia eidem *Nicodemo* Episcopo, & Ecclesiæ *Frisingenfis* præscriptam litteram in omnibus suis punctis, clausulis & articulis, prout de verbo ad verbum iacet supra scriptum quantum digne possumus, auctoritate Cæsarea approbamus, & tenore præsentium gratiosius confirmamus. Decernentes eam perpetuò obtinere roboris firmitatem præsentium sub nostræ Imperialis maiestatis sigillo testimonium litterarum. Datum *Vlme* Anno Domini Millesimo Quadragesimo Trigesimo quarto, die vigesima mensis Iulij, Regnorum nostrorum anno, *Hungariae* Quadragesimo octauo, *Romanorum* Vigesimo quarto *Boemiae* quarto decimo, Imperij verò secundo.

Ad mandatum Domini Imperatoris *Casparo Schlick* Cancellario referente, Petrus *Kalde* Praepositus *Northusensis*.

Bulla Translationis Collegiatæ Ecclesiæ *Mospurgen*.
Landishutam ad S. Martinum.

CLEMENS PP. VIII.

Ad perpetuam rei memoriam In eminenti militantis Ecclesiæ specula licet immeriti diuina dispositione constituti, & exincubenti nobis Apostolicæ solicitudinis officij debito, circa Ecclesiarum quarumlibet statum prospere & salubriter dirigendum, ac concedente Domino in melius communandum circumspectæ considerationis intuitum libenter dirigimus, ac statum ipsum interdum immutamus & alteramus, ac desuper disponimus prout salus animarum exigit, piaque Catholicorum Principum vota exposcunt, & rationabiles causæ persuadent, nec non locorum & temporum qualitatibus, & conditionibus diligenter consideratis, pro diuini cultus augmentatione conspicimus in Domino salubriter expedire. Cum itaque sicut accepimus, sacerdotalis & Collegiata, quæ etiam Parochialis existit Ecclesia sancti *Castuli* oppidi *Mospurgi Frisingen*. Dioces. olim vt asservatur per Duces *Bauarie* fundata & dotata, prout etiam oppidum ipsum, per angusta & obscura existat fructusque, redditus, & pruentus Canonicatum & Præbendarum eiusmodi adeo tenues sint, vt vix ullus nobilitate, scientia, aut moribus insignis existat, qui pro iis consequendis instet, pauci quoque admodum. Canonici inibi resideant, iisque neglectis iis quæ ad diuinum cultum & Ecclesiasticam disciplinam pertinent, ita libere & dissolutè vruant, vt ipsorum vita nihil feret à reliqui populimoribus differat, atque ita scandalo potius, quam alicui ædificationi illi populi sint; Oppidum verò *Landishuta* Ciuitas nuncupatum eiusdē dioc.

quæ

quaer prout primodictum oppidum sub ditione dilecti filij Nobilis viri *Gulielmi* *Bauarie* Ducis consistit, celebris & valde frequens, locisque solitae consilii ipsius *Gulielmi* Ducis residentiae, ac in eo parochialis ecclesia ampla & bene instructa sub invocatione sancti *Martini*, nulla tamen Collegiata existat, ac si in primodicta Ecclesia nomen, titulus, & denominatio Collegiata, ea parochiali duntaxat remanente, nec non dignitates ac Canonicatus & praebendas ibidem existentes, quaer de iure patronatus ipsius *Gulielmi* Ducis, ex fundatione vel dotacione, vt assertur, existunt, perpetuo supprimerentur & extinguerentur, secundo dicta vero Ecclesia sub invocatione sanctorum *Martini* & *Castuli* imposterum nuncupanda in Collegiatam Ecclesiam cum mensa Capitulari, arca sigilloque communibus, ac in ea una Prapositura principalis pro uno Praeposito, vnuusq; Decanatus secunda inibi dignitates pro uno Decano, nec non decem, vel plures Canonicatus & praebendas, pro totidem Canoniciis, qui omnes Capitulum ibi constituant, ac duodecim Capellaniæ Vicariae nuncupandas pro duodecim futuris inibi perpetuis Capellaniis Vicariis nuncupandis, qui cum eisdem Praeposito, Decano & Canoniciis missas & alia diuina officia celebrent Collegialiter, omnibusque horis Canonicis in illa intersint perpetuo erigerentur, & instaurerentur; illisque pro sua dote, Collegiatæ ac dignitatum, & Canonicatum suppressorum huiusmodi, nec non alia, redditus & bona, quæ idem *Gulielmus* Dux ad hunc effectum de bonis suis ad sufficienciam, vt ad dignitates, ac Canonicatus, & praebendas, perpetuasque Capellaniæ, sic erigen; iuxta sacros Canones & Concilij *Tridentini* formam qualificatae, & quæ alias sua eruditione & doctrina, viteque ac morum integritate non solum illi loco, sed toti prouinciae prodesse, ac ornamento esse, nec non dominatos quosdam haeresum errores apud aliquos inferioris *Bauarie* Nobiles etiam hodie remanentes sua solicitudine ab eis expellere possint, salvo sibi, & successoribus suis Iure patronatus, & praesentandi tales personas assignare intendit, applicarentur, nec non omnia & singula perpetua simplicia beneficia Ecclesiastica, in secundo dicta Ecclesia existentia, cum primum vacaperint vniuersitatem, sic, vt cura animarum Parochianorum secundo dictæ Ecclesiæ per unum vel plures, ex futuris inibi Canonicis huiusmodi ad hoc per Capitulum deputan, & per loci ordinarium, approbañ, exerceretur, procul dubio orthodoxæ fidei in illis partibus conseruationi & stabilimento plurimum consulenter, faciliusque viri moribus & scientia prædicti qui secundo dictæ Ecclesiæ deferuntur, ac dignitates, ac Canonicatus & Præbendas, nec non Capellaniæ in ea obtinere vellent, reperirentur, diuinusque cultus maximum, in secundo dicta Ecclesia, cum maiore etiam, decore & venustate, secundo dicti oppidi, & tam illius, quam primodicti oppidi populi ædificatione & salute susciperet incrementum. Quare nobis humiliter supplicati fecit idem *Gulielmus* Dux, quatenus in præmissis oportune prouidere de benignitate apostolica dignaremur. Nos igitur, qui dudem inter alia voluimus, quod petentes beneficia Ecclesiastica aliis vniri tenerentur exprimere verum annum, valorem, etiam beneficij cui aliud vniri peteretur, alioquin vnio non valeret, & semper in unionibus Commissione fieret ad partes, vocatis, quorum interesset, qui que Ecclesiarum quarumlibet decorem & venustatem, ac in melius directionem, nec non in illis diuini cultus augmentum, & animarum salutem nostris potissimum temporibus sinceris desideremus affectibus, cupientes quantum cum Deo possumus in præmissis salubriter consulere ad singulorum Ecclesiarum, dignitatum, Canonicatum & Beneficiorum prædictorum, ac illis respecti ue annexorum fructuum, reddituum, & prouentuum veros an-

nuos valores; nec non quorumcunque. vniōnum, annexionum, incorporatio-
num, applicationum & appropriationum secundo dictæ Ecclesiæ haec tenus
quomodolibet factarum tendes præsentibus pro plenè, & sufficienter expre-
sis habentes, huiusmodi supplicationibus inclinati, auctoritate. Aposto-
licæ tenore præsentium ad omnipotentis DEI laudem, & gloriam, ac mili-
tantis Ecclesiæ exaltationem, nec non primo, & secundo dictarum Ecclesiæ-
rum feliciorem, & tranquilliorem statum & successum ex nunc, prout ex-
tunc, & è contra cum primum Canonicatus, & præbendas, ac dignitates in
ipsa primo dicta Ecclesia obtainentibus, de sufficientibus ad eorum sustenta-
tionem redditibus, ab ipso Gulielmo Duce assignandis prouisum fuerit in primo
dicta Ecclesia, videlicet, nomen, titulum, essentiam & denominationem, col-
legiate, nec non illius Canonicatum, & præbendarum, ac dignitatum no-
mina, & titulos perpetuo supprimimus, & extinguimus, ac primodictam
Ecclesiam in simplicem parochialem, reducimus; secundo dictam verò Ec-
clesiam, quam sub inuocatione sanctorum Martini & Caſtuli in posterum
nuncupari, & per dictum Gulielmum Ducem, qui ad id se obtulit ampliari, seu
alias ornari volumus, & mandamus, in collegiatam Ecclesiam cum mensa Ca-
piculari, ſigillo, arca & capſa communibus, aliisque Collegialibus insignibus, &
in ea vnam. Præposituram, dignitatem inibi principalem pro uno Præposito
qui inibi præſit, & aliorum caput existat, ac vnum Decanatum, qui dignitas non
tamen principalis ibidem existat, pro uno Decano, nec non decem vel plures
Canonicatus, & totidem præbendas, pro decem Canonicis, qui vna cum Præ-
posito, & Decano huiusmodi capitulum ipsius Ecclesiæ Collegiate conſi-
tuant, ac duodecim perpetuas Cappellaniæ Vicarias nuncupandas, pro duo-
decim Capellanis duodecim perpetuis Vicariis nuncupandis, qui cum ei-
dem Præposito, Decano, & Canonicis in ea quotidie missas, horasque Canoni-
cas, diurnas pariter & nocturnas, ac alia diuina officia recitare & celebrare,
illisque interefſe, ac secundo dictæ Ecclesiæ in diuinis deseruire teneantur, eti-
am perpetualiter erigimus, instituimus, illisque ſic erexitis & institutis, & ſeumen-
ſe Capitulari huiusmodi pro sua dore, & Præpositi, ac Decani, nec non
Canonicorum, & Capellanorum huiusmodi ſustentatione, onerumque eius,
& secundo dictæ Ecclesiæ pro tempore quomodolibet incumbentium ſuppor-
tatione, omnia & singula perpetua simplicia beneficia. Ecclesiastica in ſe-
condo dicta Ecclesia existentia, cum primum illa per ceſsum, vel de ceſſum, aut
quamuis aliam demiſſionem vel amissionem, illa nunc obtainentum, aut alias
quouis modo, etiam in mensibus, nobis & Apostolicæ ſedis diſpositioni
reſeruatis, vel ad ordinarij collatoris diſpoſitionem pertinentibus etiam vigore
conſtitutionum Apostolicarum, vel alternatiuorum mensium, aut quorum-
cunque indultorum, & priuilegiorum Apostolicorum pro tempore edito-
rum, & emanatorum, aut conceſſorum, etiamſi nunc actuilla, aut quodus
illorū ut præ fertur, vacent, aut vacare contigerit, ac omnia & singula primo di-
cta Ecclesiæ (centum Ducatis annuis pro illius Rectore pro tempore exiſten-
te, qui curam animarum ibi pro tempore exercet, ſustentatione duntaxat ex-
ceptis) nec non canonicatum, & præbendarum, ac dignitatum ſuppreſſo-
rum, & extintorum huiusmodi, aliisque per dictum Gulielmum Ducem,
ut præ fertur, assignanda, proprietates & bona, fructusque, redditus, & pro-
uentus, & alia quomodolibet & nuncupata, & in quibusuis rebus conſi-
tentia, quæ omnia inter Præpositum, Decanum, & Canonicos Ecclesiæ in
Collegiatam per præſentes erectæ pro tempore deseruientes, iuxta prouidam
ordinationem desuper à nostro & ſedis Apostolicæ Nuncio in illis partibus
comme-

commorante, vel ab ordinario loci faciendam, ac quorum saltē parte tertia juxta formam per Decreta Concilij Tridentini desuper præscriptam, pro quotidiani distributionibus assignari, & per personaliter deseruientes tantum lucrari debeat, & quorum omnium duplē, vel aliam Nuncio, siue ordinario præfatis beneuism Præpositus, & Decanus prædicti, Canonici verò maiores etiam portionem, quam Capellani habeant, similiiter perpetuò vnimus, annēsumus, & incorporamus, amplificamus, & appropriamus; illa omnia sic applicata consequi, habere & retinere, nec non locare, dislocare, & arrendare, ac fructus, redditus & prouentus eorundem percipere, exigere, leuare, & recuperare, ac in suos ysum, & utilitatem, onerumque sibi incumbentium, supportationem conuertere, cuiustis licentia desuper minimè requisita; ita tamen, quod Capitulum secundo dictæ Ecclesiæ, curam animarum illius Parochianorū per unum vel plures de gremio ipsius Capituli ad id per eos eligendos, seu deputandos, & ab ordinario loci approbados exercere, & illius onera subire teneantur; Ac insuper Collegiatæ Ecclesiæ per præsentes erectæ, illiusq; Capitulo, Præposito, Decano, Canonicis & Capellanis, aliisq; Ministris prædictis, nec non rebus, & bonis, ut omnibus & singulis priuilegiis, iunctis, exemptionibus, libertatibus, facultatibus, prærogatiuis, fauoribus, indultis, indulgentiis, & aliis gratiis spiritualibus, & temporalibus, ac tam Apostolicis, quam aliis, quibus aliæ Collegiatæ illarum partium, eorumq; Capitula, dignitates in eis obtinentes, & Canonici, ac alij ministri de jure, visu, & consuetudine, vel ex priuilegio, aut aliâs quomodolibet vntur, fruuntur, potiuntur, & gaudent, ac vti, frui, potiri & gaudere possunt, & poterunt, quomodolibet in futurum, pariformiter, & sine villa prorsus differentia, vti, frui, potiri, & gaudere liberè, & licite, etiam perinde ac si illa ei à principio concessa essent. Quodque pro dictæ Collegiatæ Ecclesiæ per præsentes erectæ, illiusq; personarum, rerum & bonorum felici directione, prosperoq; statu, ac Ministrorum pace & tranquillitate, quecunq; licita, & honesta, scrisq; Canonibus & decretis Concilij Tridentini minimè contraria, ac tam circa modū percipiendi fructus, ac distributiones, ac inferuendi Ecclesiæ, quam aliâs felix illius regimen cōseruantia statuta, & ordinationes condere, ac totes, quoties expediens videbitur, reformare, mutare, & corriger, ac etiā de nouo facere, liberè & licite valeant, indulgemus, ac licentiâ & facultatē concedim⁹, ac demum prædicto Gulielmo Duci pro se, suisq; successoribus. Bauarie Ducib⁹ pro tempore existētibus ius patronatus, & præsentandi personas idoneas ad Præpositurā & Decanatū, singulosq; Canonicat⁹ & præbendas, ac Capellanias per præsentes erectos, quoties illos & illas deinceps perpetuis futuris temporibus, etiā apud sedē prædictā, etiā ex quorūcunq; personis vacare contigerit, ac etiā hac prima vice ordinario loci per eundē ordinariū ad presentationē huiusmodi instituen, & aliâs eo modo, quo ipse Gulielmus Dux jus patronat⁹ & præsentandi ad dignitates, ac Canonicatus, & præbendas suppressas huiusmodi ante suppressionem habuit, ac prædecessores sui habuerunt, itidē perpetuo reseruamus, cōcedimus & assignamus, ipsumq; jus patronatus, & præsentandi Gulielmo Duci & successori⁹, tibus eisdē, tanquā veris & legitimis fundatoribus, ac patronis, ex veris, meris & primis fundatione aut dotatione cōpetere, nec illi vñquā, etiā per Romanū Pontificē sedēq; prædictā, aut illius etiā de latere legatos, vol quosuis alios, absq; expresso Gulielmi Ducis, & successorum eorundē cōsensu, ac speciali, & expressa præsentium mentione derogari, neq; derogatū censerit, præsentes quoq; literas nullo vñquā tempore, etiā ex eo, quod quicunq; interesse habentes, vel preten- dentes vocatinō fuerint, neq; promissis consenserint, causæq; propter quas illa

emanarint, examinatae, justificatae, vel verificatae non extiterint, aut ex quouis alio capite, vel causa de subreptionis, vel obreptionis, seu nullitatis vitio, aut intentionis nostrae, vel alio quopiam defectu notari, implignari, in jus vel controversiam vocari, aut aduersus eas quodcumque juris, gratiae vel facti remedium impetrari posse, sed semper validas & efficaces existere, suosque plenarios & integros effectus sortiri & obtinere, neque sub quibusvis similium vel dissimilium gratiarum reuocationibus, suspensionibus, limitationibus, aut aliis contrariis dispositionibus pro tempore etiam in crastinum assumptionis cuiusvis Romani Pontificis ad apostolatus apicem, per quasvis constitutiones, apostolicas, & Cancellariae apostolicae regulas pro tempore factas, & concessas comprehendendi, sed semper ab illis exceptas, & quoties eis quoquis modo derogari contigerit, toties in pristinum, & validissimum statum suum restitutas, repositas, & plenarie reintegratas, ac de novo etiam sub quacunque posteriori data, per Guilelmum Ducem & successores praedictos eligeant. concessas esse & censeri, ac ab omnibus inuiolabiliter obseruari, & ita per quoscunque judices, Commissarios & delegatos, etiam causarum Palatiij Apostolici auditores, ac sanctae Rom. Ecclesie Cardinales, sublata eis, & eorum cuilibet quavis alter judicandi, & interpretandi facultate, & auctoritate judicari & diffiniri debere decernimus. Insuper eiusdem Ecclesiae Collegiate sic erectae Praepositum amplioribus priuilegiis & gratiis prosequi volentes, eidem pro tempore existenti Praeposito, & Mitra & Baculo pastoralibus ad instar Abbatum, vnum Mitræ & Baculi habentium in eadem Ecclesia vti, indumenta, & paramenta Ecclesiastica, & aliam sacram supellectilem, in quibus oleum sacrum non adhibeatur, pro eiusdem Ecclesiae duntaxat vsu benedicere; confessiones Christi fidelium quorumcunque in eadem Ecclesia audire, inunctaque ipsis poenitentia salutari, absolutionis beneficium eis impendere, nec non quoscunque ad ipsum humiliter recurrentes, a crimine heresis, dummodo non sint relapsi, ac facta per eos secreta vel publica, arbitrio ipsius Praepositi abiuratione, iniunctaque illis pariter poenitentia salutari, in foro conscientiae duntaxat absoluere; Confessarios ad iudicandas confessiones in ipsa Ecclesia de gremio Capituli vel Capellanorum, dummodo tamen ab ordinario loci approbentur, eligere & deputare, Confraternitatis fidelium in eadem Ecclesia ad Dei laudem, & animarum salutem, priusquam operum exercitium erigere & instituere; officium diuinum in eadem Ecclesia juxta Romani Breuiarij ritum decantari, & celebrari, horas vero Canonicas nocturnas, & diurnas cantari, vel legi, prout temporum necessitas, vel honestas tulerit curare, & circa præmissa, prout magis secundum Deum ad fidelium ædificationem expedire judicauerit, præscribere valeat, auctoritate, & tenore prædictis facultatem & auctoritatem perpetuo impartimur. Præterea vñ Ecclesia prædicta in debita veneratione habeatur, & Christi fideles eo libentius deuotionis causa ad ipsam Ecclesiam accedant, quo exinde cœlestis gratiae donis uberiori & conspicerint se esse refectos, de omnipotentis Dei misericordia, & beatorum Petri & Pauli Apostolorum eius auctoritate confisi, omnibus utriusque sexus Christi fidelibus, qui eandem Ecclesiam in Nativitatibz, ac secundo Paschalibz Resurrectionibz Domini nostri Iesu Christi, Pentecostes, Corporis Christi, Assumptionis B. Mariae, ac anniversario Dedicationis ipsius Ecclesiae diebus a primis vesperis usque ad occasum solis dierum huiusmodi, singulis annis deuotè visitauerint, & ibi pro Christianorum Principum concordia, haeresum extirpatione, ac sanctæ Matris Ecclesiae exaltatione, pias ad Deum preces effuderint, quo die prædictorum id egerint, plenariam omnium peccatorum suorum indulgentiam, & remissionem misericorditer in Domino concedimus. Quocirca dilectis filiis

filiis Cuijæ causarum Cameræ apostolicæ generali auditori, & Ratijpon. ac Fri-
singens. officialibus per præsentes committimus, & mandamus, quatenus ipsi,
vel duo aut vnius eorum, per se vel alium, seu alios, literas prædictas, vbi & quā-
do opus fuerit, ac pro parte dicti Gulielmi Ducis, siue successorum suorum fue-
rint requisiti, solemniter publicantes, eisque in præmissis efficacis defensionis
præsidio assistentes, faciant auctoritate nostra præsentes, & in eis contenta-
quæcunq; inuolabiliter obseruari, ac Gulielmum Duce, & successores præ-
fatos, ac alios, quos ipsæ concernunt, eis pacifice gaudere; non permittentes
illos desuper contra earundem presentium tenorem quomodolibet indebitè
molestari, impediri, aut inquietari; contradictores auctoritate nostra appella-
tione postposita compescendo, ac legitimis super his habendis seruatis proces-
sibus easdem censuras, & pœnas aggrauando, interdictum Ecclesiasticum appo-
nendo, & si opus sit, auxilium brachij secularis inuocando; non obstatu. priori vo-
luntate nostra præfata, ac Lateranen. Concilij nouissimè celebrati, vñiones per-
petuas, nisi in certis casibus à jure permisis, fieri prohibentis, ac piæ memorias
Bonifacij PP. VIII. similiter prædecessoris nostri, qua cauetur, ne quis extra suam
ciuitatem, vel Dioecesin, nisi in certis exceptis casib. & in illis ultra vnâ dietam à
fine suæ Dioec. adjudiciū euocetur, seu ne judices à sede præfata deputati extra
Ciuitatem vel Dioecesin in quibus deputati fuerunt, contra quoscunque pro-
cedere, aut alij vel alii vices suas committere præsumant, ac de duabus dietis in
Concilio generali edita, & quibusvis aliis apostolicis, nec non in prouinciali-
bus & synodalibus Conciliis editis generalibus vel specialibus constitutionib.
& ordinationibus, nec non primodiæ Ecclesia, etiam juramento, confirma-
tione apostolica, vel quavis firmitate alia roboratis statutis, & tam in illius, quā
secundo dicta Ecclesia, ac dignitatum, Canonicatum, & præbendarum ac be-
neficiorum in illis existentium fundatione, per quoscunq; Ecclesiasticos etiam
Romanos Pontifices prædecessores nostros, vel successores, quacunque etiam
Imperiali, Regia, Ducali, vel alia quavis Ecclesiastica, vel sacerdotali dignitate fun-
gētes, seu ad eorum requisitionem quavis auctoritate editis, etiā quod personæ
ad aliquot ex Canonicatibus, & præbendaris ac dignitatibus primodiæ, nec nō
ex beneficiis secundo dictæ Ecclesiistarum assumenda ex dictis oppidis, seu aliis
certis locis, Ciuitatibus, vel Dioecesibus, ac de certo genere personarum esse, &
assumi debeat disponentibus, statutis, & consuetudinibus, nec non priuilegiis,
& indultis etiam apostolicis primodiæ Ecclesia, illiusque Capitulo, & aliis
personis, sub quibuscunq; tenoribus & formis, ac cum quibusvis etiam deroga-
toriarum derogatoriis, aliisq; efficacioribus, & insolitis clausulis, nec non irri-
tantibus, & aliis decretis, etiam Motu proprio, & ex quibusvis causis, ac quavis
consideratione, etiam iteratis vicibus concessis, approbatis, & innouatis, quib⁹
omnibus, etiam si de illis, eorumque totis tenoribus, specialis specifica, expressa
& individua, non autem per clausulas generales etiam id importantes, mentio,
seu quenis alia expressio habenda, aut aliqua alia exquisita forma, ad hoc ser-
uanda foret, tenores huiusmodi, ac si de verbo ad verbum nihil penitus omisso,
ac forma in illis tradita, obseruata, inserti forent, præsentibus similiter pro ex-
pressis habentes, illis alias in suo robore permansuris, hac vice duntaxat spe-
cialiter, & expressè derogamus, contrariis quibuscunque. Aut si aliqui super
prouisionibus sibi faciendis de dignitatibus, & Canonicatibus primodiæ, ac
beneficiis secundo dictæ Ecclesiistarum specialis, vel aliis beneficiis Ecclesiasticis in
illis partibus generales dictæ sedis vel Legatorum eius literas impetrarint, et
iam si per eas ad inhibitionem, reservationem, & decretum, vel aliás quomodoli-
bet est processum, Quas quidem literas & processus habitos per easdem, & inde
secuta

secuta quæcunque ad dignitates, Canonicatus, & præbendas ad beneficia vnta huiusmodi volumus non extendi, sed nullum per hoc eis, quo ad affectionem dignitatum, Canonicatum, & præbendarum, ac beneficiorum aliorum præjudicium generari, seu si pro tempore existenti Episcopo *Frisingen*, vel quibus uis aliis communiter vel diuisim ab eadem sit sede indultum, quod ad receptionem, vel prouisionem alicuius minimè teneantur, & ad id compelli, quodque interdici, suspendi, vel excommunicari, vel extra aut ultra certa loca ad judicium euocari non possint, per literas Apostolicas non facientes plenam, & expressam, ac de verbo ad verbum de indulto huiusmodi mentionem, & quibus libertaliis priuilegiis, indulgentiis & literis Apostolicis generalibus, vel specialibus, quorumcunque tenorū existant, per quā præsentibus non expressa, vel totaliter non inserta, effectus earum impediri valeat, quomodo liber diffiri, & de quibus, quorumque totis tenoribus de verbo ad verbum habenda sic in nostris literis mentio specialis; Prouiso, quod propter vniōnem, annexionem, & incorporationem huiusmodi in primo dicta Ecclesia animarum cura nullatenus negligatur, vel alias illa, ac beneficia vnta prædicta debitibus non fraudentur obsequiis, sed primo dictæ Ecclesiæ, & beneficiorum vnitorm huiusmodi congruè supportentur onera confueta. Volumus autem, ut, antequam præmissa sortiantur effectum, Canonicis, & dignitatibus primo dictæ Ecclesiæ obtinentibus, de sufficientibus ad eorum congruam sustentationem redditibus per eundem Guilielmum Ducem prouideri debeat, alioquin præsentes nullius roboris existant. Datum *Rome* apud Sanctum *Marcum*, sub annulo pectoris, die VII. Iulij, M. D. XC V. Pontificatus nostri anno quarto.

M. *Vestrum Barbianus.*

Catalogus Præpositorum Collegiatæ Ecclesiæ S. Castuli in Moßburg: quorum nomina in Archivo *Landshutana* Ecclesiæ sparsim adhuc reperiuntur: reliquorum enim ac maxime primorum memoriam, quam ipsa cum prima Ecclesiæ fundatione, eiusdemque deinceps institutione in Collegiatam, ex quo anno 890. iam Abbatia & Monasterium fuit, pridem interciderunt.

ELINHARDVS Præpositus S. *Castuli*, ex libr. histor. B. *Castuli*.

ALBENO, An. C. 1171. circiter prefuit. Ex libr. tradit. Ecclesiæ.

CONRADVS an. C. 1199. ex eod. libr. tradit. Hic C. si conjicere licet ex una eademque & antiquamanu) interfuit consecrantibus Ottoni *Frisingen*, & Hartvino *Eystetten* episcopis Basilicam S. *Castuli* Moßburg tunc nouam; veteri ex incendio contigua domus Comitis *Conradi*, tota collapsa anno 1212.

Posthunc desiderantur forte vñus & alter.

HEINRICVS, An. C. 1278. Ex tab. locationis hoc vnum.

FRIDERICVS de *Stauffenberg*, An. C. 1284. Interfuit transactioni feudali inter Principes *Heinricum Bauaria* Ducem, & *Enichonem* Episcopum *Frisingen*. testis. prefuit adhuc anno 1310.

OTTO de *Maeckselrain*, Canonicus *Frisingen*. An. C. 1322. Ex donatione D. *Ortvini* Canonici Moßburg. Confirmauit dein statutam Missam cum anniversario à Dominis *Zinsbaid* fundatam an. 1343.

WERNHER VS, an. 1347. Binæ tantum locationis literæ de hoc supersunt eiusdem anni.

SEIFRL

